

臣位封自正一位三百戶差降止從三位一百戶冠位已高食封何薄宜正一位六百戶差降止從四位八十戶四年四月壬午詔益封親王已下四位已上及內親王諸王嬪命婦等各有差

〔類聚三代格八〕太政官謹奏

應賜位封依令條事

右謹案祿令王臣食封各有等次但五位已上不在此例而慶雲年中更昇差數延及四位大同元年大納言已上職封復舊加畢然則雖有加給未見減省所據行事理合同軌伏請從今而後一品已下食封并四位位祿等並依令條但先經恩賜不更收還其加階進級之日即使廻給各得其所凡法令之興其來尚矣有國通規不易之典而一則遵行一則無據臣等商量良不可然謹錄事狀伏聽天裁謹以申聞謹奏聞

大同三年十月十九日○又見祿

集解

〔延喜式二十三〕凡職封者○中品位封者薨年之料全納喪家無品封亦准此

封親王內親王品

〔令義解四祿〕凡食封者一品八百戶二品六百戶三品四百戶四品三百戶內親王減半

〔拾芥抄中末御給〕一品親王封戶六百戶

二品三品封戶二品四百五十戶三品三百戶○中略

四品無品封戶四品二百五十戶○中略

內親王封戶半減○下

〔類聚三代格八〕太政官謹奏

應賜無品親王內親王食封事

右奉勅件封戶大同三年十月十九日論奏云一品已下食封并四位位祿等並依令○令下恐訛但先經恩賜更不收返其加階進級之日即使廻給各得其所又大同三年六月廿九日式云無品親王食封